

元代史書 三卷

元
代
史料
叢刊
初編

泰山書社

續弘簡錄元史類編卷之七

皇清詹事府少詹事臣等謹將元史類編卷之七

天王五

英宗皇帝諱碩德八剌仁宗嫡子也母莊懿慈聖皇后弘吉刺氏以大德七年二月甲子生武宗卽位立仁宗爲皇太子約以次傳已子和世琜武宗崩仁宗立延祐初議立太子丞相鐵木迭兒請立帝帝入謁太后固辭曰臣幼無能且有兄和世琜在宜立太后不許遂立爲皇太子百司庶務令先啟後聞帝謂省臣曰至尊委我以天下事日夜寅畏惟恐弗堪卿等當洗心滌慮恪勤乃職勿有墮壞以貽君父憂七年春正月戊戌仁宗不豫帝憂形于色夜則焚香泣曰至尊以仁慈御天下庶績順成四海清晏今天降大厲不如罰殛我身使至尊永爲民主辛丑

仁宗崩帝哀毀過禮素服寢地上日飲一粥癸卯太陰犯井甲辰鐵木迭兒以太后命拜右丞相二月壬子罷造永福寺召江浙左丞相黑驢平章中書省事戊午祭社稷每歲二仲月仍以上戊舉祭辛酉太陰犯軒轅御女壬戌犯蠶臺甲子從鐵木迭兒言逮四川平章趙世延趙京中書叅議乞失監坐繫官罪當杖太后欲笞之帝曰法者天下之公徇私而輕重之不可以示天下卒正其罪丙寅以趙世榮爲中書平章政事本八剌爲右丞張思明爲左丞丁卯太陰犯日星白雲總攝沈明仁以不法正罪籍江南冒白雲僧者爲民定京城環衛更番法准五衛漢軍例庚午太陰犯斗癸酉括崇祥院地冒以官地獻者追其直民地獻者歸其主丁丑鐵木迭兒奪前平章李孟所受秦國公制命什其先墓碑又矯太后旨殺前御史中丞楊朵兒只平

章蕭拜住並籍其家戊寅徽政院使失列門傳太后命請更朝
官帝曰此豈除官時耶且先帝舊臣不宜輕改俟予卽位後議
于宗親元老賢者任之邪者黜之可也司農卿完者不花請奪
先帝所賜諸臣土田帝問賜者爲誰對曰左丞相合散所得爲
多帝曰予嘗諭卿等當以公心輔弼卿在先朝嘗請海船之稅
以合散奏而止今所言乃復私憾非公議也豈輔弼之道耶遂
出之爲湖南宣慰使癸未奪西僧所授司徒國公制並銷其印
三月戊子太陰犯酒旗上星熒惑犯進賢微諸王駙馬流竄者
各還分邑庚寅帝卽位詔曰洪惟太祖皇帝膺期撫運肇開帝
業世祖皇帝神機睿畧統一四海以聖繼聖迨我先皇至仁厚
德涵濡群生君臨萬國十年于茲以社稷之遠圖定天下之大
本協謀宗親授予冊寶方春宮之與政遽昭考之賓天諸王貴

成元勳碩輔咸謂朕立體先帝付託之重膺皇太后擁護之慈
既深繫于人心詎可虛于神器合辭勸進誠意交孚乃于三月
日卽皇帝位誕受維新之命庸推在宥之恩可大赦天下於戲
尚念祖宗丕緒持守維艱萬幾之繁罔敢暇逸更賴遠近宗戚
左右臣降咸一乃心共輔予治詔免被災州郡絲銀五分江淮
夏稅三分差發稅糧逋欠在民者普與蠲免各處站赤毋得泛
濫給驛陣亡官軍常例存恤外再展一年兩廣雲南哨聚徒衆
許赴官自首槩從寬宥其科舉貢試法並如舊制尊太后爲太
皇太后詔曰爲治之端無加于立孝報本之義莫大乎尊親朕
肇繼丕圖恪遵盛典欽惟皇太后仁明淵靜淑睿懿恭定大策
于兩朝功施社稷著徽音于四海慶衍本支夙荷保慈撫予眇
質思仰酬天厚德宜首進以隆名謹上尊稱曰太皇太后其應

行典禮有司討論以聞

俱見與章

是夜太陰犯明堂壬辰敕群臣趨

授散官者朝會毋越班次乙未日有暈若連環韓羅思內附賜

鈔萬貫戊戌罷醫卜工匠任子定吏員秩止從七品如前制辛

丑詔樞密院兼領左右衛率府左選李孟爲集賢侍講學士夏

四月命造至元鈔五千萬貫中統鈔二百五十萬貫詔曰朕惟

食貨生民之本權以泉幣責在適時昔我世祖皇帝所立中統

鈔廢罷雖久民間物價每以爲準有司依舊印造與至元鈔子

母並行凡官司出納百姓交易並計中統鈔數前尚書省所發

新舊銅錢與民間宿藏者所在充溢雖畸零使用亦便于民然

非害鈔法深妨國計其至大銅錢詔書到日立赴各行用鈔庫

依例倒換無致虧損歷代舊錢有司所發者與百姓宿藏既不

可許令截日住罷至權禁金銀本以權衡鈔法條令雖設其價

益令民實弗便自今權宜開禁聽從買賣若商舶私帶下番者
依例斷於戲昧遠圖而依近利詎能稱物之平仍舊買而作
新民式正守成之道故茲詔示想宜知悉見其庚戌罷行通政
院及少府監回鶻國子學省崇祥院入民匠總管府隸將作院
甲寅太白犯填星已未祭遁甲神于香山遣平章王毅右丞高
昉徵理在京錢粟虧耗者七十八萬石及諸路歲貢幣稍紕繆
者俱責償所司庚申降百官越階者並依所授之職以拜住平
章政事壬戌太陰犯房乙丑仁宗喪卒哭作佛事七日封王照
爲雞林郡公戊辰議仁宗祔廟中書集議曰古者天子祭七代
兄弟同爲一代今太廟七室皆有神主增室不及暫依前代故
事結綵爲幄殿于太室東南安奉神主制可己巳罷市舶司禁
買人下番貿易增兩淮荆湖江南東西道田賦斗加二升回鶻

散居郡縣者歲輸包銀二兩戊寅有獻七寶帶者因近詔以進
帝曰朕初登大位不聞汝等薦寶而爲人進帶是以利誘也其
還之五月己卯復置稱海五條河屯田權廣東番貨庚辰上都
留守賀勝賜名賀伯顏坐便服迎詔棄市己丑敕中書省行內降旨
除拜濫賜名爵者聽覆奏乃行左遷左丞相合散爲嶺北平章
命拜住爲左丞相塔失海牙平章政事只兒哈郎叅知政事庚
寅太陰犯心壬辰和林民聞海寇殍死者三千餘人詔旌其門
癸巳太陰犯天狗乙未加上大行皇帝尊諡罔曰觀其諡而知
其德著王者之不稱禮于廟而誅于郊實邦家之盛典維天地
之大莫能擬議而臣子之情宜極形容爰體至公式揚景鍊欽
惟大行皇帝聰明冠古勇智自天初大德之陟遐生內霧于不
測乃從潛邸獨運聖謨正神器于幾危定乾維而重構豐功盛

烈合立一時傳聲英聲揚溢四海尋被武皇之歷試納于大麓
以弗逃由母弟之懿親膺元良之重寄取法祐廟主鬯之道隨
奉養東朝因心之孝至及嗣歷服益見猷爲月恒日升廓昭代
文明之治海涵春熙推聖人博愛之仁至于敦勸農桑不墾田
獵毋覆奏于庶獄必惻怛于宸衷肇設制科待天下之傑士特
旌死節勵千古之忠魂臨御十年始終一德身衛斯文而不倦
人由其道而莫如克謹持盈諒多遺美屬升崇于吉祔用祇薦
以鴻名上慰在天之靈下協造庭之請是諏剛日備舉絳儀謹
奉玉冊玉寶上尊諡曰聖文欽孝皇帝廟號仁宗伏冀睿靈俯
垂歆鑒流光有永錫美無疆

見元文類
張士觀撰

丙申太白犯畢有告前

丞相合散平章黑驢御史大夫脫忒哈撒政使失列門等與故
要來木妻亦烈失八共謀廢立者拜住請鞠狀帝曰彼若借太

皇太后爲詞奈何竟不問悉誅之頒示天下詔曰朕肇登大寶祇遵先猷仍圖任于舊人庶共新于治效豈期邪黨輒蘊私心邇者合散黑驢脫忒哈失列門亦烈失八等潛結詭謀撓亂國政既自作于弗靖固難追于嚴誅賀勝輕侮詔書殊乖臣禮不加懲創曷示等威今已各正國法籍沒其家於戲惟邦國之用刑以清群慝俾人臣之知戒勿貽匪彝咨爾有衆體朕至懷典辛丑以鐵木兒脫平章政事壬寅罷僧道工伶濫爵及建寺章紫駮費六月甲寅省樞政院及宮正章慶延福三司停廣東採珠丁巳以康里脫脫爲御史大夫欽察鐵木兒不花並知樞密院事庚申太陰犯斗賜角觥者百二十人鈔各千貫女巫伯牙台鈔萬貫壬戌敕諸使至京者大事五日小事三日速遣還是夜月食既癸亥太陰犯壘壁陣乙丑新作太祖帳殿修寧夏欽

察魯佛事給鈔二百一十二萬貫丁卯太白犯井辛未太陰犯
昂丁丑收紅城中都威衛爲忠翊侍衛親軍都指揮司復徽儀
司爲給珍司秋七月壬午立普定路屯田運和寧糧于札昆倉
以便邊軍甲申車駕將幸上都調左右翼軍赴北邊浚井丁亥
太陰犯斗丙申初製袞冕戊戌熒惑犯房敕中外希賞自請者
勿予己亥太陰犯昴庚子以廉輟平章政事癸卯賜伶人鈔二
萬五千貫酒人鈔十五萬貫回鶻太醫進藥口打里牙給鈔萬
貫八月丁未朔嶺北省臣忻都以官錢犒軍坐免詔復其職丙
辰附仁宗皇帝莊懿慈聖皇后于太廟通考云仁宗附廟命廟
正劉瑒等編述酌獻樂
諸舞節翰林撰樂章曲曰欲成之曲按仁宗皇后本傳作至
治二年崩前則又有英宗卽位尊爲皇太后之文而本紀載此
未和太白犯靈臺乙丑熒惑犯天江丁卯太白犯太微垣右執
義是法鐵木迭兒以私憾請殺趙世延不許帝幸涼亭謂近侍曰朕

素聞世延忠良故毋焚不納左右咸稱萬歲宮人官奴坐妾用
日者請太皇太后禁星杖之壬申太陰犯軒轅御女九月甲申
建壽安山佛寺給鈔千萬貫命拜住董其役禁五臺山樵採乙
酉太陰犯壘壁陣丙戌熒惑犯斗壬辰土番利族阿俄等五種
寇成谷溪蠻秦元吉寇循州癸巳太陰犯昴戊戌犯鬼巳亥太
白犯亢以廩藏不充停諸王所部歲給甲辰雲南木邦路土官
給邦酉陽土官冉世昌各遣子入貢遣使占城真臘龍牙門索
馴象冬十月庚戌太陰犯熒惑壬斗辛亥犯井酉陽聶儼洞蠻
田謀遠爲寇戊午帝諭太常禮儀院曰朕將以四時躬祀太室
宜與群臣集議典禮此追遠報本之道毋以朕勞于對越而有
所損其悉遵古禮以行癸亥太陰犯井丁卯爲皇后作鹿頂殿
于上都癸酉流諸王阿剌鐵木兒于雲南十一月丙子朔帝御

寧宮丁丑恭謝太廟備法駕至樞星門駕止有司進輦不御步
至大次服袞冕禮儀使詣署祝帝正立書名及讀祝命高贊御
名至仁宗室欽獻流涕左右莫不感動庚辰省承平之澤邑縣
入石城禁京城諸寺邸舍匿商稅辛巳以親享太廟禮成受朝
賀甲申敕修仁宗實錄及后妃功臣傳戊戌交趾蠻僭志德寇
脫零那乞等六洞癸卯焚惑犯壘壁陣甲辰計京官俸鈔給米
三分遣使問實各省戍兵十二月乙巳朔以改元赦天下詔曰
朕祇遵貽謀獲承丕緒念付託之惟重顧繼述之敢忘爰以延
祐七年十一月二日被服袞冕恭謝于太廟既大禮之告成宜
普天之均慶屬茲踰歲用易紀元于以導天地之至和發春秋
之謹始可以明年爲至治元年減天下租賦二分包銀五分大
都上都興和三路差稅全免三年優復煮鹽煉鐵運糧等戶二

年開燕南山東河泊禁聽民採取命官家屬流落邊遠者有司
資給遣歸其子女典鬻于人者聽還其家監察御史廉訪使歲
舉可任守令者二人七品以上官有偉畫長策可濟世安民者
實封來上士有隱居行義不求聞達者有司具名以聞於歲奉
先思孝式昭報本之誠發政施仁肆底錫民之福咨爾有衆體
予至懷丁未播州蠻蠻的羊籠等來降癸丑以天壽節預修醮
于龍虎山乙卯加上儀天興聖慈仁昭懿壽元全德泰寧福慶
太皇太后尊號禮成詔曰朕惟聖人之德宜先報本孝子之至
莫大尊親式仰燕謀肆修鉅典欽惟太皇太后仁符乾運靜體
坤元鴻功擁護于三朝懿範儀型于四國非崇徽號曷稱予衷
已奉冊寶加上尊號曰徽文崇祐太皇太后於戲慶禮備成丕
正彝倫之敘綸音誕布庸新孝治之風咨爾多方體予至意

見典

是夜太陰掩昴翰林學士譯進大學衍義帝曰修身治國無
踰此書命刊本頒賜群臣河南饑帝問其故群臣皆莫對帝曰
良由朕治道未洽卿等又不盡職委任非人致陰陽失和災害
薦至宜各務勤恪以應天心戊午太陰犯井庚申犯鬼乙丑彗
星于回鶻司天監四十晝夜丙寅以潤徽伯知樞密院事丁卯
敕上書言事者得直達御前勿令省臣開視如細民訴訟仍加
禁止已巳敕罷明年二月八日迎佛初世祖用帝師入思巴言
于御座上置白傘蓋一頂
川范金書梵字其上歲以二月敕建自傘蓋好事周遊皇以只
識云云與衆生被除不祥累朝相沿爲定制至是偶罷以只
兒哈郎爲中書右丞薛處敬叅知政事辛未拜住進鹵簿圖帝
以唐制用萬二千三百人太多乃定大駕三千二百人法駕二
千五百人丹昇獨對云至大初曾異初嘗著鹵簿圖并書武宗
賜宮大樂署丞延祐中又進中道外仗圖英宗親祀
太室命丞相拜在取秘書局藏異初圖書而鹵簿大興太室改
彌太廟凡川蜀江南大木悉致焉旗幟之繕繪者作于蜀衛人

馬銓甲被彩飾者作于癸酉帝聞賀勝母老憫之以所籍京兆
江西又詔留守造五輪田礎遷其家是歲河決汴梁原武渚沱決文安大成等縣渾河
溢壞民田廢成紀縣暴雨山崩朽壤墳起覆沒畜產益津縣雨
黑霜害稼各錫賑有差帝以科舉之外恐有遺賢詔曰北歲設
立科舉以取人材尚慮高尚之士晦跡丘園無從可致其有才
德超邁深明治道者所在官司具姓名俟廉訪使覆察奏聞以
備錄用通鑑見宋元

至治元年辛酉春正月丙戌定四孟月時享太廟帝服袞冕親
祭以左丞相拜住亞獻知樞密院事滿徹伯終獻禮成坐大次
謂群臣曰一歲惟四祀若使人代不能致如在之誠實所未安
歲必親祀以終朕身通考云禮社稷亦如之廷臣以祀事畢請赦帝曰恩
可常施赦不可屢下使殺人獲免則死者何辜命中書省陳便